

Rannsóknasjóður Hugvísindastofnunar: reglur

I. Markmið

Markmið sjóðsins er að efla rannsóknir og rannsóknatengda starfsemi innan Hugvísindasviðs með styrkveitingum. Sjóðurinn er fjármagnaður með hluta af þeirri fjárveitingu sem Hugvísindastofnun fær frá Hugvísindasviði.

II. Umsóknarfrestur, úthlutun og ráðstöfun

Úthlutað er úr sjóðnum tvisvar á ári, 15. apríl (umsóknarfrestur til 1. apríl) og 15. desember (umsóknarfrestur 1. desember).

Umsóknir eru metnar af stjórn Hugvísindastofnunar, eða starfsmönnum og stjórnarformanni í umboði hennar. Leitast er við að styrkja sem flest verkefni sem uppfylla skilyrði sjóðsins, en fjöldi styrkja og upphæðir ráðast þó af fjárhagsstöðu sjóðsins.

Styrkur er lagður inn á viðkomandi viðfangsnúmer innan Hugvísindasviðs. Styrkir eru að jafnaði greiddir þegar kostnaður liggur fyrir.

III. Sjóðurinn veitir styrki:

- til ráðstefnuhalds,
- til ýmissa viðburða sem ekki falla undir 1. lið,
- vegna erlendra boðsgesta,
- til útgáfu á vegum stofnana,
- upp í kostnað við þýðingu eða til málfarslegrar aðstoðar vegna birtingar vísindagreina.

Nánar um styrki

1. Styrkir til að halda ráðstefnu/málþing

Stofnanir og stofur sviðsins geta sótt um þessa styrki, einnig deildir og greinar en eindregið er hvatt til samstarfs við rannsóknastofnanir og -stofur sviðsins.

Viðmiðunarreglur:

- Ráðstefnan (eða málþingið) skal haldin á Íslandi og vera **opin** (með eða án skráningar) og **auglýst** með góðum fyrirvara á viðeigandi vettvangi (póstlistum og/eða vefsíðum). Hún skal haldin **á vegum Hugvísindasviðs eða stofnunar/stofu/deildar/greinar innan Hugvísindasviðs** og skal það koma skýrt fram í kynningum allra styrktra ráðstefna. Ráðstefnuhaldið getur verið í samvinnu við aðra (sjá þó 3. lið) en unnið skal að undirbúningi og framkvæmd innan sviðsins að einhverju marki. Dagskrá skal að lágmarki vera 2,5 klukkustundir (3-4 erindi) og að jafnaði er skilyrði að fastir starfsmenn sviðsins, nýdóttorar eða doktorsnemar sem eru virkir í námi haldi erindi (undanþága er einkum möguleg fyrir ráðstefnur á sviði þverfaglegu stofnananna).
- Styrkur er byggður á ráðstefnukostnaði skv. eftirfarandi viðmiðunum:
 - Miðað er við að undirbúningskostnaður á hvern skráðan þátttakanda sé 2500 kr., en ef ekki er skráning 1000 kr. á þátttakanda. Annar undirbúningskostnaður er ekki styrktur.
 - Kostnaður vegna boðsfyrirlesara, húsnæðis og veitinga, aðstoðarfólks á sjálfri ráðstefnunni eða annars sem fella má undir grunnkostnað við ráðstefnuhald (annað en undirbúning) samkvæmt reikningum eða sannanlega greiddur af samstarfs- eða styrktaraðilum.
 - Styrkur er veittur fyrir **hellingnum af ofangreindum kostnaði**, þó er hámarksstyrkur 125.000 fyrir innlenda ráðstefnu, en 300.000 fyrir alþjóðlega ráðstefnu. Þóknun til fyrirlesara er undanskilin í útreikningi á ráðstefnukostnaði.
- Styrktar ráðstefnur skulu að jafnaði reknar gegnum verkefnisnúmer innan Hugvísindasviðs eða ráðstefnuþjónustu sem Hugvísindastofnun skiptir við. Ef aðrir aðilar annast fjárumsýslu byggist útreikningur styrks á fyrrgreindum viðmiðunum fyrir undirbúning og innsendum reikningum fyrir fargjald og gistingu boðsfyrirlesara, húsnæði fyrir ráðstefnuna og veitingar í kaffi- og matarhléum. Í slíkum tilvikum eru aðrir kostnaðarliðir ekki styrktir.
- Styrkirnir ná einnig til ráðstefna sem eru fullfjármagnaðar með öðrum styrkjum. Sérhver ráðstefna þarf að hafa fjárhagslegan bakhjarl sem samþykkir að greiða kostnað umfram tekjur og styrki ef þörf krefur. Verði afgangur af rekstri ráðstefnunnar rennur hann að jafnaði til bakhjarlsins sé hann innan Hugvísindasviðs, ella til sjóðsins.
- Hægt er að sækja um styrk allt að ári fyrir ráðstefnu eða í næstu úthlutun eftir að hún var haldin. Þeir sem halda ráðstefnur eru hvattir til að sækjast eftir öðrum styrkjum til ráðstefnuhaldsins.

Á umsóknareyðublaði eru dæmi um hvernig styrkir eru reiknaðir.

2. Styrkir til ýmissa viðburða sem ekki uppfylla skilyrði í 1. lið

Stofnanir og stofur geta sótt um þessa styrki, einnig greinar og deildir en þær eru hvattar til að vera í samstarfi við stofnanir.

Viðmiðunarreglur:

1. Skilyrði er að umsækjandi standi að viðburðinum, einn eða með öðrum. Ekki er nóg að umsækjandi teljist til styrktaraðila.
2. Í kynningum viðburðarins skal koma fram að Hugvísindasvið eða stofnun/stofa/deild/grein innan Hugvísindasviðs haldi hann (hvort sem er eitt/ein eða í samvinnu við aðra).
3. Sjóðurinn veitir styrki: A) til viðburða sem ekki fela í sér erindi fastra starfsmanna sviðsins, t.d. fyrirlestraraða, nemendapínga á vegum námsgreina og menningarhátíða; B) til styttri viðburða, t.d. málþinga sem eru styttri en 2,5 stundir; C) til fundahalda hér á landi með erlendu samstarfsfólki í rannsóknarverkefnum eða samstarfsnetum.
4. Hver styrkur er allt að 50.000 kr., þó aldrei meira en sem nemur útlögðum kostnaði og undirbúningskostnaði sem reiknaður er á sama hátt og fyrir ráðstefnustyrki.
5. Sækja má um styrkinn allt að ári fyrir viðburðinn. Styrkurinn fellur niður hálfu ári eftir viðburðinn hafi hann ekki verið innheimtur.

Á umsóknareyðublaði eru dæmi um hvernig styrkir eru reiknaðir.

3. Styrkir vegna erlendra boðsgesta

Einungis stofnanir geta sótt um þessa styrki.

Viðmiðunarreglur:

1. Sjóðurinn veitir stofnunum fjárstuðning til að taka á móti viðurkenndum fræðimönnum sem starfa erlendis.
2. Skilyrði er að gesturinn haldi erindi sem auglýst er opinberlega (a.m.k. á póstlistum/vefsíðum innan Háskóla Íslands) og taki þátt í auglýstu semínari með framhaldsnemum (einkum doktorsefnum).
3. Styrkur sjóðsins er 125.000 kr. að hámarki.
4. Styrkurinn er ekki veittur vegna boðsgesta sem koma til að halda erindi á ráðstefnu (sjá ráðstefnustyrki).
5. Styrkurinn er ekki veittur vegna heimsóknna sem fjármagnaðar eru á annan hátt.
6. Sækja má um styrkinn með allt að árs fyrirvara. Hann fellur niður hálfu ári eftir heimsóknina hafi hann ekki verið innheimtur.

4. Styrkir til útgáfu á vegum stofnana

Stofnanir og stofur geta sótt um þessa styrki. Umsóknir skulu berast frá forstöðumanni, stjórnarformanni eða verkefnisstjóra í umboði þeirra. Umsóknir skulu berast í desember fyrir þær bækur sem hafa komið út það ár.

Viðmiðunarreglur:

1. Hver stofnun getur fengið tvo styrki á ári vegna bóka/tímarita sem hafa komið út það ár á hennar vegum.
2. Styrkurinn getur einnig verið til að stofnunin geti stutt við útgáfu bóka eftir fasta starfsmenn sem aðild eiga að stofnuninni þótt útgefandi sé annar ef höfundur þarf að bera hluta útgáfukostnaðar. Styrkurinn rennur þá til viðkomandi bókar.
3. Hver stofa getur fengið einn styrk á ári vegna bókar sem hefur komið út það ár á hennar vegum.
4. Ófrávíkjanlegt skilyrði er að bók komi úr prentun eða birtist á vef fyrir lok styrkársins.
5. Hver styrkur er 220.000 árið 2018.
6. Styrkþega (stofnun/stofu) er heimilt að ráðstafa styrknum til annarra eða fleiri bóka en þeirra sem sótt var um til.
7. Mikilvægt er að eftir sem áður sé sótt um styrki til viðeigandi sjóða.

5. Styrkir upp í kostnað við þýðingu eða til málfarslegrar aðstoðar vegna birtingar vísindagreina

Einastaklingar (akademískir starfsmenn) geta sótt um þessa styrki.

Viðmiðunarreglur:

1. Greinin er ætluð til birtingar í ritrýndu tímariti (þ.e. greinin verði metin til 10, 15 eða 20 stiga í stigakerfi HÍ).
2. Hver starfsmaður getur aðeins fengið einn slíkan styrk á fimm ára fresti.
3. Hver styrkur er að hámarki kr. 50.000. Sýna þarf fram á kostnað við aðkeypta aðstoð.
4. Styrkur fellur niður ári eftir úthlutun hafi hann ekki verið innheimtur.

Samþykktar á fundi stjórnar Hugvísindastofnunar 21. nóvember 2018.